

# TISIGARETE LETI NGA RI KI NAWINI LETI DURHAKA R18 MILLION TI TA HERISIWA

**Cape Town, ti 8 Dzivamisoko 2021** – Tindzawulo to hambanahambana ta mfumo ti le ku lweni na mitundzo na swixaviselavambe, ti ta herisa 12 million wa tisigerete leti nga ri ki enawini leti nga na nkoka wa le makete wa R18 million eCape Town hi Ravuntlhanu ti 9 Dzivamisoko 2021.

Heriso wu ta sungula hi 8 nampundzu eState Warehouse, leyi kumekaka enomboro 9 FW de Klerk Boulevard, Cape Town Foreshore.

Tisigarete ti ta tsemeleriwa kwale ndhawini yaliya, hi ku landzelela milawu ya rihanyuo na vuhlayiseki. Malakatsa ma ta hundzisiwa

Tisigarete leti nga ri ki enawini ti tekiwile eka switirhwana swo hambanahambana, ku katsa na ku khomiwa ka khonthena ya leha 40-mikandziyo leyi ngungumerisiweke laha tikweni no tivisiwa hi vuxisi tanihi xixavisiwa.

Hunguto eka mitundzo na swixaviselavambe leyi nga ri ki enawini i nkongomiso lowukulu wa mfumo ehansi ka vulawuri bya *Inter-Agency Working Group (IAWG)* eka Mabindzu lama nga ri ki eNawini, lama nga na tindzawulo ta mfumo na tiejensi.

AWG yi kongomise eka swiambalo, malapi, titanghu, dzovo, switirhisiwa leswi xavisiwaka tanihi nsimbhi leswi nga ri ki enawini, ku katsa na mimovha leyi nga tshama yi tirhisiwa.

Heriso wa tinhundzu leti nga ri ki enawini wu fanele wu rhumela hungu ra matimba ra leswaku mfumo wu tekile endlelo ro pfumala ntiyiselo eka bindzu leri nga ri ki enawini no tivisa mani na mani mayelana na ku onha loku tinhundzu leti ti ku endlaka eka ikhonomi ya hina na rihanyu ra vanhu va hina.

Migingiriko yaleyo leyi nga ri ki enawini yi dlaya vuswikoti bya vutumbuluxi bya tiko, leyi hi le tlhelo swi yisaka eka vupfumalantirho, nkandzinganano na vusweti. Mitundzo na swixaviselavambe leyi nga ri ki enawini swi tlhela swi va xihlovo xa timali ta vugevenga bya mitlawa.

Nyimpi yo lwa na ntungu wa mitundzo na swixaviselavambe leswi nga ri ki enawini yi tlhela yi va na nkoka swinene hikuva yi engetela ntsengo wa mali ya tiko leyi SARS yi yi hlengeletaka.

Mali ya tiko leyi hlengeletaweke yi tirha ntirho wa nkoka eku pfuneni ka mfumo ku aka mfumo lowu nga na vuswikoti lowu nyikaka vukorhokeri eka vanhu lava sweleke no khumbheka na mindyangu, ku katsa na vevukiso eka vathori na vatirhi enkarhini wa ntungu wa Covid-19.